

JAVNO SAOPŠTENJE

KOMISIJE ZA VRIJEDNOSNE PAPIRE FEDERACIJE BOSNE I HERCEGOVINE


Komisija za vrijednosne papire Federacije Bosne i Hercegovine upozorava javnost, ulagatelje i potencijalne ulagatelje na aktivnosti društva FXLider na području Federacije Bosne i Hercegovine.

FXLider putem internetske stranice www.fxlider.com obavještava javnost i potencijalne ulagatelje sa teritorije Federacije Bosne i Hercegovine na mogućnost trgovanja putem njihove platforme za trgovanje, a osim trgovine valutama FOREX-om (najveće finansijsko tržište za trgovanje valutama), nudi se i obavljanje i trgovanje naftom, zlatom, srebrom i drugim plemenitim metalima, svjetskim berzanskim indexima i mnogim drugim finansijskim instrumentima. Istovremeno putem svoje web stranice, pozivaju i na odgovarajuće seminare u vezi sa gore navedenim trgovanjem.

Komisija za vrijednosne papire Federacije Bosne i Hercegovine u skladu sa svojim ovlaštenjima i odgovornostima propisanim odredbama člana 11. stav 1. tačka 6. Zakona o Komisiji za vrijednosne papire («Službene novine Federacije BiH», broj 39/98, 36/99, 33/04 i 92/13), kao i odredbama člana 251. stav 2. tačka e. Zakona o tržištu vrijednosnih papira («Službene novine Federacije BiH», broj 85/08 i 109/12), upozorava javnost, potencijalne ulagače da FXLider niti njegova bilo kakva podružnica nisu registrovani kao poslovni subjekt u Federaciji Bosne i Hercegovine, ne posjeduje bilo kakvu dozvolu ili odobrenje za provođenje svojih aktivnosti na teritoriji Federacije Bosne i Hercegovine. U skladu sa navedenim, pozivamo javnost, ulagatelje i potencijalne ulagatelje na najveći mogući oprez prilikom odluke o prihvatanju ponuda društva FXLiders, s obzirom da Komisija ne nadzire zakonitost poslovanja takvog društva, niti može utjecati na zaštitu prava i interesa ulagatelja koji poslovni odnos uspostavljaju s pravnim licima ili fizičkim licima koji nemaju odgovarajuću dozvolu ili odobrenje od Komisije. Ujedno informišemo javnost i da je Hrvatska agencija za nadzor finansijskih usluga (HANFA) izdala „Upozorenje za javnost na aktivnosti društva koje posluje pod brendom FXLider“, a isto tako po istom osnovu je i Agencija za trg vrednostnih papirjev Republike Slovenije izdala Upozorenje za javnost i istovremeno im saopštili da navedena pravna lica ne posjeduju dozvolu Hrvatska agencija za nadzor finansijskih usluga (HANFA) za aktivnosti na teritoriji Republike Hrvatske, kao niti dozvolu Agencije za trg vrednostnih papirjev Republike Slovenije za aktivnosti na njihovoj teritoriji.

Ovo Javno saopštenje će se objaviti na web stranici Komisije www.komvp.gov.ba.

Sarajevo, 20.10.2015. godine



Predsjednik
Komisije za vrijednosne papire
Federacije Bosne i Hercegovine


mr. Hasan Čelam